

# چيزدا محاکمات

جمعه ايرتسی

نومرو	شعبان	سنه	مايس	سنه	صيفه
۳۹۳	۲۸	۱۳۰۴	۹	۱۳۰۳	۴۲۰۷

( اشبو غزته بهر هفته جمعه ايرتسی کونلری چيقار سنه لکی درسعاتد ایچون مجیدیه یکر می )  
 ( غروش حسابیله التمش غروشدر طشره لر ایچون اون بش غروش پوسته اجرتی ضم اولنور بهر )  
 ( نسخه سی ینه مجیدیه یکر می غروش اولق اوزره یوز پاره یه هر یرده صاتیلور درج اولنه حق اعلاناك )  
 ( هر برندن بر مجیدیه اخذ اولنور سنه لکنه مشتری اولق استیانلر عدلیه نظارتی دائر سنده کائن )  
 ( جریده محاکم اداره سنه مراجعت ایلملیدر )

## قسم سهگی

توجیهات

درسعاتد بدایت محکمه سی ایکنجی حقوق  
 دائره سی رئیس عزتلو شوکت بکه  
 درسعاتد بدایت محکمه سی ایکنجی حقوق  
 دائره سی ریاستی بک اوغلی بدایت محکمه سی  
 ایکنجی حقوق رئیس عزتلو مدحی افندی یه  
 بک اوغلی بدایت محکمه سی ایکنجی حقوق  
 دائره سی ریاستی تجارت بحریه محکمه سی اعضا سندن  
 عزتلو حسنی بکه  
 تجارت بحریه محکمه سی اعضا لگی بک اوغلی  
 بدایت محکمه سی ایکنجی حقوق دائره سی  
 اعضا سندن سعادتلو صالح بک افندی یه  
 بک اوغلی بدایت محکمه سی ایکنجی حقوق

عدلیه نظارت جلیله سی مکتوبچیلغی نظارت  
 مشار الیها مستشار معاونی سعادتلو شوکت بک  
 افندی یه  
 محکمه تجارت رئیس اولاکی استیناف جنحه رئیس  
 سعادتلو عزت بک افندی حضرتلرینه  
 استیناف جنحه قسمی ریاستی بک اوغلی بدایت  
 محکمه سی رئیس اولی عزتلو حلی افندی یه  
 بک اوغلی بدایت محکمه سی رئیس اولاکی

دائرة سی اعضا لعی جسر ارکنه بدایت محکمه سی مدعی عمومی معاونی سابق قره بت افندی به کوملجنه سنجانی بدایت محکمه سی جزا دائرة سی ریاستی درامه سنجانی بدایت محکمه سی جزا دائرة سی رئیس سامی افندی به درامه سنجانی بدایت محکمه سی جزا دائرة سی ریاستی کوملجنه سنجانی بدایت محکمه سی جزا دائرة سی رئیس اغایوس افندی به برات سنجانی بدایت محکمه سی جزا دائرة سی ریاستی مکتب حقوق شاهانه مأذون نرندن حافظ نجیب افندی به بیروت سنجانی بدایت محکمه سی مدعی عمومی معاون لکی جا سنجانی بدایت محکمه سی مدعی عمومی معاونی محمد نوری افندی به جا سنجانی بدایت محکمه سی مدعی عمومی معاون لکی بیروت سنجانی بدایت محکمه سی مدعی عمومی معاونی سعید افندی به توجیه بیورلشدر

( فی ۱۸ شعبان سنه ۳۰۴ و فی ۲۹ نيسان )  
 ( ۳۰۳ تاریخنده در سعادت و ولایات مدعی )  
 ( عمومیلکارینه یازیلان محررات علیه در )

مأمورین رسومیه کفلاسنگ دوام اقتدار

مالیرینی مبین هر التي آیده بر دفعه بوقله اصولی اوزره طلب ایملکده اولان شهادتنامه لک کفالت سنداتی مثلوا مقاولات محرر لکارنجی تصدیقنه لزوم اولوب اولدیغی رسومات امانت علیه سندن استفسار اولنسی اوزرینه باب عالی جانب سامیسندن بالاستیتیدان اولباده شورای دولت تنظیمات دائرة سندن تنظیم اولنوب موجبجه اجرای ایجابی ضمنده فی ۲۱ شباط سنه ۳۰۲ تاریخلی بیورلدی عالی ایله خزینه به تبیغ بیوریلان مضبطه صورتنده بر کفیلک اقتداری اولدیغی حالده اقتدارینک مصدق اولسی تحمیل ذمتی تأمین ایده مز ایسه ده مقاولات محرری کفیلک درجه اقتدارینی تصدیق ایلوب خلاف واقع تصدیقندن دخی مسؤل طوتیله جعفرینه نظراً اساس کفالت کبی کفلاک اقتدار مالیرلی بوقله شهادتنامه لرنده دخی مقاولات محرر لکاری طرفندن تصدیق اولنسی لازم کله جکندن اکا کوره ایفای مقتضای لزومی کوسترلش کیفیت امانت مشار الیه یاه اشعار اولنشر اولغله ومحاسبه عمومیه مالیه نک افاده سیله ديار عالیه وولایات جلیله ایله الویه مستقله به معلومات ویرلدیکی بیانیله دائرة علیه ججه اجرای ایجابی مالیه نظارت جلیله سندن وارد اولان نذکرده اشعار اولنشر و دائرة مأموریتکزده بولنان محاکمه تبلیغ ایملک اوزره اشبو تحریراتک نسخ مطبوعه

کافیه سی لفاً ارسال قلنمش اولغله ایجاباتک اجرایی

تحریراتک نسخ مطبوعه کافیه سی لفاً ارسال قلنمش اولغله اولوجهله اجرای ایجابی سیاقنده

### قسم غیر رسمی

( محکمه تمیز حقوق دائرة سی )

( فی ۱۹ شعبان سنه ۳۰۴ و فی ۳۰ نيسان )  
 ( سنه ۳۰۳ تاریخنده در سعادت و ولایات )  
 ( مدعی عمومی لکارینه یازیلان محررات )  
 ( علیه در )

املاکه متعلق دعاوتک محاکم شرعیه ایله محاکم نظامیه به عائد قسملری دستورده مندرج فی ۲۰ رمضان سنه ۲۹۶ تاریخلو تحریرات عمومیه ده کوسترلش اولدیغی حالده محاکم نظامیه نک محاکم شرعیه به عائد دعاوی بی بلا تقریق رؤیت ایده کلمکده اولوب بو ایسه بر طاقم شکایاتی استلزام ایتمکده اولدیغندن ذکر اولنان محررات عمومیه مندرجاتی دائرة سنده حرکت اولنسی خصوصتک لازم ککنلره اخطاری اوقاف همایون نظارت جلیله سندن مبعوث تذکرده اشعار اولنشر و مندرجات مذکوره با اراده سنیه مرعی الاجرا اولان نظامات جله سندن اولدیغنه نظراً مألنه توفیق معامله اولنسی لازمده دن بولغله اولوجهله ایجابی اجرا اولنسی اوزره دائرة مأموریتکز داخلنده بولنان محاکمه لاجل الارسال اشبو

مزاد قائمه لرینک بر نوع اعلان قبیلندن اولسنه مبنی ایکی پارهلک بوله تابع اوله جقه لری حقنده فی ۲۹ جاذی الاخره سنه ۳۰۴ و فی ۱۲ مارت ۳۰۳ تاریخله محکمه تمیز حقوق دائرة سندن صدور ایدن اعلام بروجده زیر عیناً درج قلندی

تکوش قضای بلدیله رئیس سلیمان اغانک جزای نقدی ایله محکومیتنه دائر تکوش بدایت محکمه سندن فی ۲۸ تشرین اول سنه ۳۰۱ تاریخلی ایله و بریلان قرار نامه اولباده کی نظامنامه نک ایکنجی ماده سنه توفیقاً تمیزاً تدقیق مرقوم سلیمان اغا طرفندن اعطا و محندن با تحریرات ارسال قلنوب باش مدعی عمومی لک مأموریت علیه سندن مطالعه نامه سی ایله محکمه تمیز حقوق

دائرة سنه تبليغ قلنان عرضحال و متفرقات استدا  
قلنش اولديغندن نظامنامه مذ كورك سكرنجي  
ماده سي موجبجه اوراق مذ كوره بالمطالع  
تدقيقات تميريه اجراسنه ابتدار اولندي

مذكور قرار نامه نك خلاصه مندرجاتي مرقوم  
سليمان اغا ايله ملتزميندن على اغا بيشنده متكون  
دعوانك تكوش محكمه بدايتجه رؤيت اولنديغني  
صرده سليمان اغا جانبندن ابراز اولنان بر قطعه  
مزاد قائمه سي پولسز اولديغني وجديد رسم تمغا  
قانوني موجبجه ورقه نسبيه دن معدود بولنديغني  
قانون مذ كورك يكرمي ايكيجه ماده سي حاكمه  
توفيقاً رئيس مومي اليه دن جزاي نقدي اوله رق  
بيك يوز بر غروشك تحصيلنه قرار و بر ليدكندن واشبو  
قرار عليه نه مستدعي سليمان اغانك خلاصه  
اعتراضي مزاد قائمه سندن مقصد طالبره بر  
اعلانن عبارت اوله رق رسوم مقطوعه يه تابع  
ايكن جزاي نقدي تحصيلنه حكم ايديلسي مغاير  
قانون اولديغندن بحثله قرار نامه مذ كورك  
نقضى استداسندن عبارت بولنش و مأموريت  
مشار اليهانك مطالعه نامه سنده دخي مزاد  
قائمه سي احاله اولنه جق مواد حقنده پي سورملك  
اوزره بر نوع اعلانن عبارت بولنديغنه وشو  
حاله ايكي پاره لك پوله تابع اوله رق استيفاسي  
لازمكلان جزاي نقدي دخي يارم ليره دن اوج  
ليويه قدر اوله بيله جكنه مبني اعتراض واقعك  
موافق قانون اولديغني بيان اولمشدر

ايجابي مذا كره اولندوقده تمير اولنان قرار نامه نك  
نتيجه مفادي مزاد قائمه سنك پولسز اوله رق ابراز  
اولنسي جهتيه بيلك يوز بر غروش جزاي  
نقدينك تحصيلنه حكمن عبارت ايسده بومقوله  
مزاد قائمه لري طالبنه احاله اوله جق مواد  
حقنده پي سورملك اوزره بر نوع اعلان قبيلندن  
اوله رق ايكي پاره لك پوله تابع اولديغني وشو  
حاله پولسز اولسندن ناشي استيفاسي لازمكلان  
جزاي نقدينك مقداري يارم التوندن اوج التونه  
قدر اوله بيله جكي بديهي بولنديغني حاليه محكمه  
مذ كوره جه بوراسنه دقت اولتمسز بن اوراق  
نسبيه يه تابع عد ايديله رك بر منول محرر قرار  
و يرلسي اصول و قانونه مغاير و مستدعيك اعتراض  
دخي بوجهته متدار اوله رق شايان قبول بولنش  
و مطالعه نامه مندرجاتي موافق نفس الامر  
كورنش اولديغنه بناء قرار نامه مذ كورك  
نقضيه نظامنامه مذ كورك سكرنجي و طقوزنجي  
ماده لري موجبجه اشبو مذ كره نك مأموريت  
مشار اليهايه تبليغنه في ٤ مارت سنه ٣٠٣  
تاريخنده متفقاً قرار و يرلدي

( محكمه تمير جزا دائره سي )

بر مستدعي تمير حبس جزاسيله محكرم اولديغني  
حاله اصول محاكمات جزايه قانونت اوچيوز

يكرمي يدنجي ماده سي منطوقجه حال موقوفيته  
ويا تحت كفالتده بولنديغنه دائر بر ورقه رسميه يي  
تمير عرضحالنه ربط ايتكه مجبوردر

حليل پترو لادغاني ايله بيشلرنده اولان خانه  
منازعه سي اوزرينه قانون جزانك يوز تمش  
بشنجي ماده سنك فقره اخيره سي موجبجه اون  
بش كون حبس سنه دائر دكرلي سنجاني بدايت  
محكمه سي جزا دائره سندن استينافاً و غياباً صاير  
اولان في ١٦ شعبان سنه ٣٠٣ وفي ٨ مايس  
سنه ٣٠٢ تاريخلي ويكرمي يدي نومرولي  
اعلامك تمير يي بركلي زوجه سي قاليوي طرفندن  
مدت قانونيه سي ظرفنده استدا ولايحه اعتراضيه  
ايله شرائط تميريه دن اولان ايكي بچق ليره  
جزاي نقدي اعطا قلنش و معامله تبليغنه ايضا  
قلنه رق بر قطعه جواب لايحه سي و يرلش اولديغنه  
مبني مذكور اعلام و اوراق متفرعه سي باش  
مدعي عموميلك مأموريت عليه سندن في ١٢  
ربيع الاخر سنه ٣٠٤ وفي ٢٧ كانون اول سنه ٣٠٢  
تاريخلي و يديوز اون بش نومرولي تبليغنامه ايله  
محكمه تمير جزا دائره سنه اعطا قلنغله اسباب  
آتيه يه مبني في ١٧ جاذي الاخره سنه ٣٠٤  
وفي ٢٨ شباط سنه ٣٠٢ تاريخ و ١٤٠٤  
نومرولو قرار ايله مذكور استدا رد  
ايدمشدر  
شرائط تميريه جهتي لذي التدقيق مذكور تبليغنامه ده

كوسترد يكي وجهله مستدعيه نك حبس جزاسيله  
محكوم اولسنه نظراً حال موقوفيته و يا تحت  
كفالتده بولنديغنه دائر اصول محاكمات جزايه  
قانونك اوچيوز يكرمي يدنجي ماده سي منطوقجه  
ايجاب ايدن ورقه رسميه تمير عرضحالنه مربوط  
و موجود اولديغندن استدعي تميرك مجموع  
اوله مامسنه مبني ردينه قرار و يرلدي

( محكمه تمير جزا دائره سي )

اصول محاكمات جزايه قانونك اوچيوز قرق  
يدنجي ماده سي موجبجه بر اعلامك نقضي  
ايچون اولنان استدا رد اولنديغني حاليه بو  
ادماي ايدن طرف نه بهانه و وسيله ايله اولور  
ايسه اولسون او اعلام حقنده نقض دعواسي  
ايدنه مز

ملغاسر تحصيلدار لواه بوزغاد محمد رضا مهر و امضاسي  
في ٣١ مارت سنه ٣٠٣ تاريخي ايله اعطا قلنان  
استدا نامه خلاصه مألنده محكمه تمير جزا  
دائرة سندن صادر اولان في ١١ شباط سنه ٣٠٢

مذکور استندای اخیرك قبولنه مسامح قانونی  
کوریله مدیکندن انك دخی ردینه قرار ویرلدی

-----

( محمه تمیز جزا دأره سی )

بر اعلام نقض اولنوب تکرار اجرای محاکمه  
ضمننده محکمه به اعاده اولندیغی حالده محکمه جه  
محاکمه اجرا اولنقسزین انك ابقاسی جهتنه  
کیدلسی قانوناً جائز اوله میسه جفندن بو صورتله  
ورود ایدن ایکنجی اعلامك تدقیقنه محل  
اولقسزین کائنلم یکن حکمنده اعتبار اولنسی  
لازم کلور

بولی به ملحق صغیر قوریغی قریه سی اهلیسندن  
کوچکجی اوغلی محمد و عرب اوغلی دیگر محمد  
نام شخصلرک قره چایر محله سی سکینه سندن  
اقطونلی دامادی عبدالله افندی بی قتل یتدکاری  
ثابت اولدیغی بیانیله و بربرینه معین اتخاذیله یوز  
یتیش بشنجی ماده قانونیه به توفیقاً یدینر سنه  
مدتله کور که قونلرینه حکم اولندیغی  
متضمن بولی سنجای بدایت محکمه سندن و بریلان

تاریخی ویک اوچیوز سکر نومرولی اعلامده  
تمیز استنداسنک ردینه قرار ویرلدیکی مندرج  
ایسه ده استندای دیو موقع مذا کره به قونلش اولان  
ورقه یوزفاد بدایت محکمه سی مدعی عمومیلکنه  
اعطاس قلمش بر بیاننامه اولوب اصل استندای  
ایسه انقره ولایتی استیناف محکمه سندن علیهنده  
صدور ایدن اعلام غیابی حقننده اعتراض  
علی الحکم مدتی منقضیه اولدقدن صکره مدت  
تمیزیه طرفنده تقدیم ایلدیکی فی ۲۵ کانون ثانی  
سنه ۳۰۲ تاریخی ولایحه قلعلی استندای مفصله اولوب  
آنك حقننده رد وسائره کبی بر معامله جریان  
ایتمامش ایدوکنه بناء سالف الذکر محکمه تمیزک  
رد قراری اوزرینه محکمه اعاده اولنمش اولان  
اوراقک جلیله تدقیقات تمیزیه اجراسی  
استندای اولنمش اولسی اوزرینه محکمه تمیز جزا  
دأره سی فی ۷ شعبان سنه ۳۰۴ وفی ۱۸  
نیسان سنه ۳۰۳ تاریخ و ۱۱۸ نومرولو قراریه  
اسباب آتیه به مبنی مذکور استندای رد ایتشدر

مرقومک اول و آخر واقع اولان استندای  
اعلامك تمیزاً تدقیقنی طلبدن عبارت اولوب  
اصول محاکمات جزایه قانونک اوچیوز قرق  
درنجی ماده سنده ایسه « بر اعلامك نقضی  
ایچون اولنسان استندای رد اولندیغی حالده بو  
ادعایی ایدن طرف نه بهانه ووسیلله ایله اولور  
ایسه اولسون او اعلام حقننده بر دهان نقض  
دعواسی ایدمه جکدر » دیو محرر اولق جهتیله

اعلام درت ذات ایله محاکمه اجرا قلمش اولسندن  
ناشی مقدماتی نقض واعاده قلمسی اوزرینه محکمه  
مذکور دن اخیراً تنظیم اولنسان فی ۲۴ رجب  
سنه ۳۰۲ ۸ مایس سنه ۳۰۰ تاریخی مذکره واوراق  
منقرعه سی باش مدعی عمومیلک مأموریت علیه سندن  
فی ۲۵ جازدی الاخره سنه ۳۰۳ وفی ۲۷ شباط  
سنه ۳۰۱ تاریخی وایکیبیک سکسان اوچ  
نومرولی تبلیغنامه ایله محکمه تمیز جزا دأره سنه  
اعطاس قلمش ومذکره مذکورده بو باده کی اعلام  
نقض واعاده قلمش ایسه ده قیوده لدی المراجعه  
کرک قرار دفترندن وکرک ضبطنامه واعلام  
سجالاتندن استنباط اولندیغی اوزره محاکمه مذکور  
درت اعضا ایله بر رئیسدن متشکل هیئت  
حضورنده رؤیت اولندیغی وهر بر لرینک قیود  
مذکورده امضاری کورلدیکی کبی هیئتجه ده  
معلوم بولنمش و فقط هر نصلسه ضبطنامه بالاسنه  
سهواً اعضادن برینک اسمی تحریر وزیر امضا  
ایتدیرلمکسزین نقصان کوندرلمش وحتی بوسهویات  
دیگر مظنون علیه اولوب و فقط محاکمه ده برائنه  
اکثریتله قرار ویریلان تنکجه جی اوغلی محمد  
حقننده هیئت محکمه دن ثلثانی اعتبار اولنسان درت  
اعضانک اتحاد ایدن رأیبری اوزرینه برائنه  
اکثریتله قرار ویرلدی دیو قرار جهتنده محرر  
بولنمش اولان عباره ایله ده استدلال اولنه جفندن  
شو حالده بر ده محاکمه اجرا سنه محل کوریله میوب

بناءً علیه نقصان کوریلان اعضا به دخی بودفعه  
مذکور ضبطنامه امضا ایتدیر بله رک تکرار  
تدقیقات تمیزیه اجرا اولنمش اوزره اوراقک  
ارسال اولندیغی کوستریلوب سالف البیان  
تبلیغنامه ده دخی قاتل اولدیجه معینی اوله میه جغی  
درکار بولندیغندن تدقیقات و تعقیقات لازمه نك  
اجراسیله قاتلک تعیینی و ممکن اوله مدیغی صورتده  
هر ایکسینک قاتل مشترک اولق اوزره محکوم  
طوتلمری ضمننده اصول محاکمات جزایه قانونک  
اوچیوز اون درنجی ماده سنه توفیقاً اعلام  
مذکورک نقضی طلب اولنمش ایدوکنه مبنی محکمه تمیز  
جزا دأره سی اسباب آتیه به مبنی فی ۲۵ رجب  
سنه ۳۰۴ وفی ۶ نیسان سنه ۳۰۳ تاریخ و ۹۹  
نومرولی قراریه مذکور مذکره نك بطولانته  
حکم ایتشدر  
ایجاب کیفیت مذاکره اولندقدنه محلی محکمه سنجه  
سهوک تصحیح اولندیغندن ناشی محاکمه اجراسنه  
محل کوریله مدیکی بیان و تبلیغنامه ده دخی اساس  
دعوی حقننده بوجه مشروح اعتراض درمیان  
اولنمش ایسه ده هر نه سبیدن طولایی اولور ایسه  
اولسون مادام که مقدمات کلان اعلام نقض ایله  
تکرار اجرای محاکمه اولنمش اوزره اوراق  
مذکور محکمه مذکوریه اعاده اولنمشدر ارتق  
آنك هیچ بر سبب و صورتله ابقاسی جهتنه کیدلسی  
قانوناً جائز اوله میسه جفندن بناء علیه مأموریت  
مشار الیهانک مطالعاتک تدقیقنه دخی محل

کوریله مدیکندن اوراق مرقومه نك تکرار اعاده سی  
تذکر قلندی

( محکمه تمیز حقوق دائره سی )

رسم تمغا نظامنامه سنک یکریمی سکزیجی و یکریمی  
بشجی ماده لرینک معناسی حقنده بودفقه فی ۲۰  
جادی الاخره سنه ۳۰۴ و فی ۳ مارت سنه ۱۰۳  
تاریخیه محکمه تمیز حقوق دائره سنندن صدور  
ایدن اعلام بوجه اتی عیناً درج قلندی

پراپه قضاسنده اونجه قریه سی ساکنلرندن حسن  
اغا ایله قریه مذکورہ اھالیسی بیننده متحدت  
دعوانک سبق ایدن محاکمہ سی اتاده اراز اولتوب  
نقصان پول یاشدرلمش اولان برقطعه سنک  
مبرزلی قریه مذکورہ اھالیسندن طقسان و بدایه  
رؤیت دعوی ایدن پراپه بدایت محکمی ریسی  
محرم و اعضا نیچو افندیلردن دخی ایکوز یتش  
غروش جزای نقدی تحصیلنه دائر مناستر استیناف  
جزا محکمه سنندن ویریلان فی ۹ کانون ثانی سنه  
۹۸ تاریخلی قرار نامہ نك اولبایده نظامنامه  
مخصوص سنک ایکجی ماده سنه استناداً تمیزاً  
تدقیقی مومی الیہما محرم و نیچو افندیلر طرفلرندن  
اعطا و باش مدعی عمومیک مأموریت علیہ سنندن  
برقطعه مطالعه نامہ ایله محکمه تمیز حقوق دائره سنه  
تبلیغ قلنان عرضحالده استدعا اولندیغندن نظام  
منامه مذکورک سکزیجی ماده سنه توفیقاً تدقیقات  
تمیزیه اجراسنه ایتدار اولندی

قرار نامه مذکور مآلی مرقوم حسن اغانک  
یونجه قریه سنده متصرف اولدیغی حقتلمکک  
احراق اولنان قولہ سنندن طولایی اھالی قریه دن  
جبراً اوچبیک غروشلق برقطعه سنه الدیغنه  
دائر وقوعبولان ادما اوزرینہ پراپه بدایت  
محکمه سنجه اجراقلنان محاکمہ نتیجه سنده اغای مومی  
الیہ علیهنه صادر اولان برقطعه اعلاک مناستر  
استیناف جزا محکمه سنده تدقیقی صره ده  
لاجل المطالعه محلندن جلب اولناز واوراق  
تحقیقیه میانده بولنان برقطعه سنده ایکی غروشلق  
پول یاشدرلمش لازم کلور ایکن یکریمی پاره لک  
پول یاشدرلدیغی حالده اقتضا ایدن جزای نقدینک  
استیفاسنده محکمه بدایت هیئتی جانبندن ایفای  
وظیفه ایلمدیکی اکلشلمش ایوکنہ مومی رسم  
تمغا نظامنامه سنک یکریمی ایکجی و یکریمی سکزیجی  
ماده سی احکامنه توفیقاً سنند مذکورک مبرزلی  
اولان قریه مذکورہ اھالیسندن طقسان و اوچ  
مثلی بولنان ایکوز یتش غروشک دخی اعضادن  
رفت بکک وقوعوفاتی جهتیله رئیس محکمه  
محرم و نیچو افندیلردن جزای نقدن اوله رق  
تحصیلی لزومنه قرار ویرلدیکندن و مستعی محرم  
و نیچو افندیلرک خلاصه اعتراضی مذکور  
سنده یکریمی پاره لک پول وضع ایلمش اولغنه  
یالکز نقصانی نسبتنده جزای نقدی تحصیلنه  
قرار ویرلامسی و وفات یتش اولان اعضادن رفعت  
بکک حصه سنه اصابت ایدن جزای نقدینک دخی  
کندیلرینہ تکمیل ایلمسی خصوصاتک مغایر  
قانون اولدیغندن بحثله قرار نامہ مذکورک نقضی

طابندن عبارت بولنش و باش عمومیک مأموریت  
علیه سنک مطالعه نامہ سنده دخی سنند مذکورہ ذاتاً  
یکریمی پاره لک پول یاشدرلمش اولوب شو حالده  
یالکز نقصانندن جزای نقدی التقی لازم  
کلدیکنہ و اعضادن رفعت بکک وقوعوفاتی  
حسیله حصه سنک ترکدن تحصیلنه قرار ویرلک  
ایجاب ایدر ایکن دیکرلرندن استیفاسنه مساع  
قانونی کوریله مدیکنه مینی اعتراضات واقعہ نك  
موافق قانون اولدیغی بیان قلنشد

ایجابی مذاکره اولندقدہ تمیز اولنان قرار نامہ نك  
نتیجه مفادی نسبتنده دون پول یاشدرلمش اولان  
سنند مذکورک مبرزلی اولان یونجه قریه سی  
اھا ایسندن طقسان و اوچ مثلی اولان ایکوز  
یتش عروشک هیئت محکمه محرم نیچو افندیلردن  
تحصیلنه حکمدن عبارت اولوب حالبوکه رسم  
تمغا نظامنامه سنک یکریمی سکزیجی ماده سنده  
حاملنه ترتب ایدن جزای نقدی نقصانی اوزرینہ  
اوله جغی و نظامنامه مذکورک یکریمی بشجی  
ماده سنده دخی محاکم و مجالسک اشبو جزای نقدینک  
اوچ مثلیله محکومیتی لزومی مصرح اولدیغی حالده  
محکمه مذکورہ نك حکمی بو مواد قانونیه یه  
مخالف اولدیغنه و اعضادن رفعت بکک وفاتی  
حسیله قانوناً کندیسنندن جزای نقدی التمی  
اقتضا ایلوب ایتیه جکی محکمه جه نظر تدقیقه  
التقسزین انک حصه سنک دخی مومی الیہما محرم  
و نیچو افندیلرہ تکمیل ایلمسی اصول و قانونه

مغایر و مستعدیلرک اعتراضاتی بوجهتله متدائر  
اوله رق شایان قبول اولدیغی کبی مطالعه نامہ  
مذکورک برنجی فقره سی دخی موافق نفس الامر  
کورنمش اولدیغنه بناء قرار نامہ مذکورک نقضنه  
فی ۵ نیسان سنه ۳۰۳ تاریخنده قرار ویریلرک  
نظامنامه مخصوص صک سکزیجی و طقوزنجی ماده  
لری مو جنبجه ایجاب ایدلرہ تبلیغ ایلمک اوزره  
اشبو مذکره بالتنظیم باش مدعی عمومیک مأموریت  
علیه سنه تبلیغ اولنور

~~~~~

- ( اوچوز ایکی سنه سی اغستوس سنک )
  - ( طقوزنجی پنجشنبه کونی اخشام اوزری )
  - ( ساعت اون ایکی راده لرندہ چهارشنبه )
  - ( جوارنده کائن شیشه خانه اوکنندن اثنای )
  - ( مرورنده جرح و قتل اولنان طاهرک کیفیت )
  - ( قلندن طولایی مظنون علیہ اولان طاش )
  - ( کپرلی اسماعیل ایله وادی فرارده اولدیغی )
  - ( حالده مؤخرأ در دست و تحت توقیفه النان )
  - ( طلومبه جی سیدک محاکمه علیہ لری ضبطنامه سی )
- ( صورتیدر )

اوچوز ایکی سنه سی اغستوس سنک طقوزنجی  
پنجشنبه کونی اخشام اوزری ساعت اون

ایکی راده لرنده چهارشنبه جوارنده کائن شیشه خانه او کندن انانی مرورنده جرح و قتل اولنان طاهرک کیفیت قتلندن طولانی مظنون علیه اولان طاشکیرلی اسماعیل ایله وادی فرارده اولدیغی حالده مؤخرأ در دست و تحت توقیفه النان طلومبه جی حاجی سیدک و جاهاً و غیاباً جنایتله اتهام اولندقلرینه دائر هیئت اتهامیه دن تنظیم واعطا قلنان ۱ صفر سنه ۳۰۴ تاریخلی و ۲۸۴ نومرولی مضبطه ایله استیناف مدعی عمویلدکنک فی ۲۶ صفر سنه ۴۰۴ تاریخلی و ۹۸۱ نومرولی اتهامناسی مه اوراق متفرعه سیله ۲۱ تشرین ثانی سنه ۳۰۲ تاریخنده محکمه جنایته تودیع اولمغله بالمطالع اصول محاکات جزاییه قانون موقتک ایکوز قرق ساکننجی و ایکوز قرق طقوزنجی ماده لرینه توفیقاً مرقوم اسماعیل شهر مذکورک یکریمی دردنجی بازار ابرتسی کونی و غیاباً اتهام اولندیغی حالده در دست ایدیلان حاجی سیده اتهام مضبطه سیله اتهامنامه صورتلری بعد التبلیغ مرقومدخی قانون اولک اوچنجی کونی توقیفخانه دن جلب اولنهرق استجواب و مدافعه لرنده معاونت ایتک اوزره بروکیل انتخاب ایتلری تکلیف اولندقدنه وکیللری اولدیغنی سوتلر یله محکمه زنده بولنان دعوی وکیللرندن رجائی افندی مرقوم اسماعیله و کرقرور قلابجیان افندی دخی حاجی سیده جانب محکمه دن وکیل تعیین اولندقلرینی مبین آرو آرو طوتیلان ضبط ورقه لری تحت امینایه الديرلدی ایتدیرلدی

ادعای مفسوخیت ایچون معین اولان مدت قانونیه منقضیه اولمغله متهمان مرقومانک اجرای محاکم لری سنه مذکورده ربیع الاولنک یکریمی یدنجی پنجشنبه کونه قرار قرار لشدیرلدی یوم مذکورده ساعت یدی راده لرنده مرقومان قانون مزبورک ایکوز التمش اوچنجی ماده سنه توفیقاً توقیفخانه دن جلب اولنهرق مرقومان اسماعیلک وکیل رجائی افندی معذرت مشروعه سنه مبنی کله میه جکئی بیلدیرمش اولدیغندن مرقومک طلبی اوزرینه محکمه زنده بولنوب مرقومه وکیل تعیین ایدیلان و اوراق دعوانی بعدالمطالع مدافعه یه حاضر ایدوکئی بیان ایدن قسطاکی لوییدی ومومی ایله کرقرور افندیلر مرقومانک یانلرنده اولدقلری ومدعی عموی معاونی عزتلو جدی افندی ایله مدعی شخصی مقبولک دایسی باب سرعسکری چاوشلرندن محمد اده حاضر بولندقلری حالده محاکمه علیه بالابتدار مرقومان استجواب اولندقلرنده بولنردن حاجی سید کرده لی و یکریمی ایکی یاشنده اولوب در دست اولنزدن مقدم ارن کوینده قلابجیلق ایندیکنی و اسماعیل دخی طاشکیرلی و یکریمی بر باشنده اولهرق فسخانه عامره عمله سندن ایدوکئی سوتلر یله کندولرینه و وکیل مومی الیه میه قانون مزبورک ایکوز التمش دردنجی و ایکوز التمش بشنجی ماده لری مندرجاتی بعد الاخطار اتهام مضبطه سیله اتهامنامه ضبط کاتبی شوکت افندی به قرائت ایتدیرلدی

مذکور مضبطه نک مألی مظنون علیهما اسماعیل و فراری سیدک اسکمله و بچاق ایله توفای مرقوم طاهری جرح و قتل ایتدکری دلائل و اخبارات و معاینه راپورتی مندرجاتی ایله تحقیق ایتمش و حرکتلری دخی قانون جزانک یوز یتمش دردنجی ماده سی حکمنی مستلزم افعال جنایتیه دن بولنمش اولدیغندن مرقومانن اسماعیلک و جاهاً و حاجی سیدک دخی غیاباً جنایتله اتهاملرینه قرار ویرلدیکنی و اتهامنامه نک مفادیدخی مضبطه مذکور مندرجاتی وجهله مرقومانک و جاهاً و غیاباً متهم بولندقلرینی بیان و ایضا جدن عبارتدر

قانون مزبورک ایکوز التمش التنجی ماده سنه توفیقاً اتهامنامه نک خلاصه سی مرقومانه تفهیم و معاون مومی ایله طرفندن دخی اسباب اتهاملری تفصیل و تشریح اولندقدنصکره مرقومان سو یلتدیرلرلده بولنردن حاجی سید بعضا ارن کویندن قلابی المی ایچون درسه عاده کلدیکی کبی بر کون دخی استانبوله کله رق المش اولدیغنی قلابی اگری قیوجوارنده بولنان والده سنک خانه سنه بر اقدنصکره تکفور سراینده اسمنی یله مدیکی بر میخانه یه عزیمتله عشرت ایدوب قاقه جغنی صروده طایدیغنی بو اسماعیل دخی کلدیکنندن بر ازده مرقومه اوتوروب برلکده قاقه رق و مرقومک تکلیف و اصرارینه مبنی شیشه خانه اوکنه کله رک اوراده بولنان قهوه خانه یه اوتور دقلری و بر قهوه دخی

ایچدکری ائشاده کیمکده بولنان اولجه طایدیغنی ایکی کشی بی مرقوم اسماعیل قهوه ایچمک اوزره چاغرمش ایسه ده بریسی اوتورمیوب اسمنی صکره دن اوکرندیکی طاهر اوتوره رق قهوه ایچدکنصکره مرقوم اسماعیل طاهره خطاباً سن بنم ارقه مدن عورتیه سوکشسین } و شخص مرقومدخی } سوککله نه اولور ایتمش } دیملر یله مرقوم اسماعیل اوتوردیغنی اسکمله بی الهرق طاهرک ایکی دفعه ققاسنه اوردیغنی و کندوسی عیدر دهرک اورتلرینه کیردیکنده اسماعیل بولندن قاسنی چقارمقله خوفندن فرار ایدرک خانه سنه کلدیکنی و ابرتسی کونی ارن قریه سننده بولنان دکانه کتمش ایسه ده کچنلرده قچاق توتون ایله طوتیلهرق بو ایشدن طولانی توقیف ایدلدیکنی و اسماعیل دخی کندوسی یالکزجه مذکور قهوه خانه اوکنده اوتورمقده ایکن اشاغیدن بو حاجی سید ایله طاهر معارضه ایدرک قهوه خانه اوکنه کلوب اوتورور اوتورمز مرقومان یکدیگرینه صاریلوب منازعه ایتدکلرندن تفریق ایتک اوزره اره لرینه کیردیکنده مرقوم حاجی سید بر قاقچقاروب طاهری جرح ایتدیکنی کورمکله مجروح مرقوم همشهر یسی اولدیغندن قورتارمق ایچون بر اسکمله الهرق حاجی سیدک النیدن قابی دوشورمک ایچون ایتدیغنی بالبیان فعل جرح و قتلی یکدیگرینه بالاسناد ایکیسیده انکار تهمت ایتدیلر اساس ژورنالی و معاینه راپورتی ایله طاهرک قبل الوتفا

ضبط ایدیلان افاده سی لدى القرائه ژورنالک مآلی  
 مرقومون بینلرنده نحدث ایدن منازعه اثنا سنده  
 اسماعیلک اسکمله وحاجی سیدک دخی قبا ایله  
 طاهری ضرب و جرح و فرار ایتدکرینی و راپورت  
 مندرجاتی دخی مرقوم طاهرک صماغ فخذینک  
 قسم وسطیمی طرف خلنی وانس و قدایسنده بر  
 الت قاطعه ایله حصوله کلمش اوچرسانتیمترو طولارنده  
 عمقلمی عضلات دروننه قدر اوچ عدد جرح  
 و باشنک صول ناصیه جدارسی اوزرنده الت  
 راضیه ایله حاصل بر عدد ازیک جرح و اون  
 ایکنجی فقرات ظهریه سنک صماغ و اوچ سانتیمتر و بعد  
 مسافه سخنده بر الت قاطعه ایله ایقاع ایدلمش اوچ  
 سانتیمتر و طولنده بر عدد جرح کوریلرک اون  
 کون صکره مذکور اون ایکنجی فقرات ظهریه سنک  
 صماغ طرفنده کی جرحنک درون بطنه نافذ  
 اولسنندن ناشی اتهاب بریطون حصوله کلهرک  
 اندن متأثراً و فات ایلدیکنی و افاده ورقه سنک  
 مفادی دخی شیشه خانه اوکندن اثنای مرورنده  
 حسین چاوشک برادری فسخانه عمله سندن اسماعیل  
 بلا سبب اسکمله ایله باشندن جرح ایلدیکی کبی  
 مرقومک رفیقی اسمنی بیله مدیکی و کورسه ارئه  
 ایده جکی طلومبه جی البسه لی بر شخصه دخی  
 بچاق ایله صماغ بجاغنک قبا اتندن و بلندن اورهرق  
 قاچدقلمی بیاندن عبارتندر مدعی عمومی طرفندن  
 بالاعطای قرائت اولنان شهود پوصله سنده اسملمی محرر  
 اولوب جلب ایدیلان حاجی جاسم و قهوه جی محمد اغاز

شاهدلرک ذات و شهادتلمی علمهنده و قرائت  
 اولنان ژورنال و راپورت و مقتولک ضبط  
 ایدیلان افاده سنه نه دیه جکلمی دخی منهلردن  
 استفسار ایدلرکده هر ایکسی دخی انکار  
 اولرنده اصرار ایتلمیله تدقیقاتک بوندن عبارت ایدوکی  
 بیان اولندقدده معاون مومی الیه جمدی افندی  
 عند المحاکمه سیدک طاهری قبا و اسماعیلک دخی  
 اسکمله ایله جرح ایتدکلمی مقتولک افاده سی  
 و استماع اولنان شاهدلرک اخباری و راپورت  
 مندرجاتی ایله ثابت اولدیغندن حاجی سیدک فعل  
 قتلک فاعلی و اسماعیلک دخی قتل مذکورک مسببی  
 و حاجی سیدک معینی اولق اوزره مجرمیتلرینک  
 تحت حکمه التمسنی ادما و مدافعه وکیللرندن  
 کرقور قلابجیان افندی دخی مقتول ایله موکلی  
 بیننده بر غرض و خصومت اولدیغنی کبی شخصاً  
 یکدیگرینی طانیدقلمی کرک مقتولک افاده سی و کرک  
 دلائل سائر ایله درکار اولوب قتل فعلنی میدانه  
 کتورر بر منازعدلمی دخی سبق ایتدیکنی و بویله  
 بر فعلی ارتکاب ایدن کیمسه نیک ایشلمدیکی فعلدن  
 مستفید اولسی لازم کلور ایکن موکلنک بویله بر  
 استفاده سی اولدیغنی و استماع اولنان شاهدلردن حاجی  
 جاسم فعل قتل کوردیکی سویلیور ایسه ده  
 قهوه جی محمد اغا قهوه بیشورمک اوزره قهوه  
 خانه ایچروسنه کیردیکنندن اورادن قتلک صورت  
 وقوعنی کورمسی عذیم الامکان ایدوکنی و فرض  
 محال اولهرق موکلی اسماعیله معاونت ایتش

اولسه طانیدیغنی و اصلاً خصومتی اولدیغنی بر  
 ادعی بچاق ایله جرح ایتدیه جکی بدیهی بولندیغنی  
 و مجروحک افاده سنه کلنجیه بوده تجریمنه کافی  
 اولدیغنی و قسطا کی لؤنیدی افندی دخی موکلی  
 اسماعیل حاجی سید ایلله مذکور قهوه خانه یه کلوب  
 اوتوردقلمی و او اثناده اورادن مرور ایدن  
 طاهری قاچدقلمی بی یا لکز حاجی جاسم افاده  
 ایتدکه اولوب شاهد واحد ایلله حکم جائز  
 اولدیغنی و قهوه جی دخی قهوه خانه ایچروسنده  
 ایشیله مشغول ایکن طیشاروده بر پاطردی وقوعه  
 کلدیکی سویلیور ایسه ده موکلی اسکمله ایلله  
 طاهری اورمش اولسه بیله بوده صدق افاده سی  
 مؤید اولوب چونکه طاهری حاجی سیدک  
 الندن قورتارمق ایچون هر نصلسه اسکمله نیک  
 سهواً طاهرک باشنه تصادف ایتش اوله جغنی  
 بالبیان هر ایکسی دخی موکلرینک بر ائت ذمتملرینه  
 قرار ویرلمنی طلب ایتلمیله ولدی السؤال طرفینک  
 بشقه بر دیه جکلمی اولدیغنی اکلشغله محاکمه نیک  
 ختام بولدیغنی بیان اولنهرق مذاکره او طه سنه  
 کلندی  
 طرفینک ادما و مدافعاتنک استماعندن و اوراق  
 تحقیقیه نیک مطالعه و تدقیقندن صکره ایجاب کیفیت  
 لدى المذاکره متهمان مرقومان حاجی سید  
 و اسماعیل فعل جرح و قتل یکدیگرینه اسناد  
 ایدرک انکار تهمت ایتدکه و وکیلان مومی الیهما  
 دخی بوجه مبسوط مدافعه ده بولنقدده ایسه لرده

مرقومان اسماعیل و حاجی سید مذکور قهوه خانه ک اوکنده اوتورمقده ایکن اورادن یکمکده اولان طاهری یانلرینه چاغروب هر نصلسه یینلرنده ظهور ایدن منازعه اوزرینه مرقومان اسماعیل اسکمله ایله باشندن و حاجی سید دخی ارقه سندن بچاقله طاهری جرح ایتدکاری مع القسم استماع اولنان حاجی جاسم و قهوه چی محمد افا طرفلرندن متحداً اخبار اولنسی و مرقوم اسماعیل یالکز اوله رق قهوه خانه اوکنده اوتورمقده ایکن حاجی سید ایله طاهر معارضه ایدرک قهوه خانه اوکنه کلدکاری سوبلدیکی حالده بو افاده سنک شاهدان مرقومان طرفلرندن تکذیب ایدلسی و مرقوم طاهرک قبل الوقات ضبط ایدیلان افاده سنده اسماعیل اسکمله و حاجی سیدک بچاق ایله کندوسنی جرح ایتدکاریک محرر اولسی و حاجی سیدک مدت مدیده وادی فرارده اولدیغی حالده بو دفعه طوتلسی و طیب راپورتنده دخی مجروح مرقومک باشنده آلت راضیه دن و فخذینک قسم وسطیسی ایله اون ایکنجی فقرات ظهریه سنده برالت قاطعه دن حاصل اولان اوچ عدد جرح کورلدیکی و مذکور فقرات ظهریه سنده کی جرح سندن متأثراً وفات ایتدیکی مندرج بولنسی دلائلریله ثابت اولدیغندن و طاهر ایله اسماعیل سن بزم ارقامدن عورتیه سوکشسین دیهرک منازعه و قو عبولدیغی حاجی سید طرفندن اعتراف اولنوب بوندن ظهور ایدن منازعه اثناسنده قتلک ایضاع ایدلیدیکی اکلاشلغله و بو دخی

سر خوشلق حالندن ایلو کلمکله و شاهدلردن محمد اغانک قتللی قهوه خانه دروننده کورمسی بحال اولدیغی کی تحقیقات جاریه قول مجرودن عبارت اولیوب مجروح مرقومک افاده سی و راپورت مالی و دلائل مذکور ایله مؤید بولنغله و اسماعیلک قصداً اسکمله ایله اوره رق مرقومی دوشرد کدنصکره حاجی سیدک بچاقله جرح ایتدیکی اکلاشلغله مدافعات مذوره دخی مردود بولدیغندن حاجی سیدک قاتل و اسماعیلک دخی معین قاتل اولسق اوزره مجرم اولدقلرینه متفقاً قرار و بریله رک اولبایده تنظیم اولسان قرار نامه علناً قرائت اولندقده معاون مووی الیه جدی افندی مجرمیتلری تحت حکمه النان حاجی سید و اسماعیلک حرکتلری قانون جزانک یوز یتیش دردنجی ماده سنک فقره اولیسیمله یوز یتیش بشنجی ماده سی احکامنه موافق اولدیغندن و اسماعیلک فعل قتله سببیت و رسمی تشدید جزاسنی موجب حالندن بولدیغندن اولوجهله تعیین مجازاتلرینی ادعا و مدافعه و کیلاری دخی تخفیف جزالینی طلب ایتلریله مذاکره او طه سنه کندی .

جهت جزایه لری حقننده دخی ایجاب کیفیت لدی المذاکره مجرمیتلری تحت حکمه النان حاجی سید و اسماعیلک حرکتلری معاون مووی الیه طلبی و جهله قانون جزانک یوز یتیش دردنجی ماده سنک فقره اولیسیمله یوز یتیش بشنجی ماده سی حکامنه موافق اولدیغنه و فقره مذکورده برکسنه من غیر تعهد بر شخصی اتلاف ایتیش ایسه اون بش سنه

# اعلان

مدتله و یوز یتیش بشنجی ماده ده دخی معین قاتل اولان کیمسه موقناً کورکه قونیلورلر دیو محرر بولندیغنه مبنی بولنردن حاجی سیدک فقره مزبوره حکمه توفیقاً و ابتدای توفیقی اولان اوچیوز درت سنه سی ربیع الاولنک التنجی کونندن اعتباراً اون طقوزنجی ماده قانونیه منطوقجه بعد التشهیر اون بش و اسماعیلک دخی یوز یتیش بشنجی ماده و جنبجه تاریخ توفیقی اولان اوچیوز اوج سنه سی ذی الحجه سنک ایکنجی کونندن بالاعتبار کذلک بعد التشهیر بش سنه مدتله کورکه قونلرینه و ضبط و اعلام و استنطاق خرجلریله خدمه اجرت قدمیه سی اولان جهماً یوز قرق ایکی غروشک دخی مرقومان بالانحصیل عدلیه و زنه سنه تسلیم ایتدیرلسنه اوچیوز درت سنه سی ربیع الاولنک یکرمی یدنجی کونه مصادف اولان اوچیوز ایکی سنه سی کانون اولنک اون برنجی پنجشنبه کونی متفقاً قرار و بریله رک قانون موقتک ارانه و تعریف ایلدیکی و جهله تهمیمی اجرا و اصول محاکمه جه معین اولان معاملات دخی ایفا قلندی

فی ۱۵ کانون اول سنه ۳۰۲

بکقوزده دباغخانه عامره میزنی عزتلو حلی بکک بکقوزده یالی جاده سنده ساکن بقال حاجی عبدالرحمن اغایه بکقوز بدایت محکمه سندن و یریلان برقطعه اعلام موجبجه محکوم به دینی اولان مبالغ معلومه نک تأمین استیفاسی ضمننده مدیون مووی الیهک اقدجه جز ایدیلان قرتال قضاسنه تابع یقه جیق قریه سی جوارنده معلوم الحدود مع باغ بر باب کوشک بالزایده اوچبیک درتیوز غرو شده طالبی عهده سنده تقرر ایلدیکندن تاریخ اعلانن بر ماهه قدر بدل مقرر اوزرینه یوزده بش ضمیمه طالب اولنلر قرتال بدایت محکمه سی اجرا دائره سنه مراجعت ایتلری اعلان اولنور

فی ۲۸ نیسان سنه ۳۰۳

حبیبه فطنت خانمک علی بک و جیلله خاتم ذمترلنده با اعلام الاجنی اولان مبالغک تأمین استیفاسی ضمننده مووی الیه مانک مشترکاً متصرف اولدقلری اسکدارده عراقیه چی جعفر افا محله سنده اون نومرولی بر باب خانه بالزایده ایرا یوز غروش حسابیله بشبیک غرو شده طالبی عهده سنده تقرر ایتیش اولدیغندن تاریخ اعلانن اعتباراً بر ای ختامنده قرار قطعیمی و بریله جکندن یوزده بش ضمیمه

زياده به طالب اوليك مدت مذكوره ظرفنده  
اسكدار اجرا دائره سنه مراجعت ايتلري  
في ٢٨ نيسان سنه ٣٠٣

بيوك چكجه لي ادهم اغا زاده سليمان افنديك  
بيك اوچيوز ايكي سنه سنه محسـوباً مقطوعاً  
احاله اولنوب التزام ايلديكي قوريشان چفتلكي  
اعشار تقاسيطندن ايضا ايتديكي كانون اول و ثاني  
تقسيطلرچون قضاء مزبور مال صندوقه اولان  
بورجني عدم ايفادن طولايي متصرف اولديغي  
قضاء مزبور داخلنده موحه قريه سنده عرب  
چايري موقعنده درت نومرولي بكرمي يدي دونم  
بر اولك و موقع مزبورده التي نومرولي قرق  
التي دونم ايكي اولك و اين دره موقعنده ايكي  
نومرولي يوز طقسان دونم ترلارده كي حصص  
شايعه سنندن ثلث حصه لري محجوزاً بالمازايده  
فروخت ايديله جكنندن تاريخ اعلاندن اون بش  
كون صكره ظهور ايديه جك طالبليك بيوك  
چكجه اجرا مأمورلغنه مراجعت ايتلري اعلان  
في ٢ مايس سنه ٣٠٣

بيوك چكجه لي سايله لي زاده حسين افنديك  
بيك اوچيوز ايكي سنه سنه محسـوباً مقطوعاً  
احاله اولنوب التزام ايلديكي يالوس و قومبرغوس  
قريه لري اعشار تقاسيطندن هنوز ايضا ايتديكي  
تشرين ثاني و كانون اول و ثاني تقاسيطلرون

التزاماً و كفيلي ادهم اغا زاده اسماعيل افنديك  
كفالتاً قضاء مزبور مال صندوقه اولان  
بورجيلريني عدم ايفادن طولايي ملتزم مومي اليه  
حسين افنديك متصرف اولديغي قصبه مزبوره ده  
بش نومرولي مع مشتقات خان و درت نومرولي  
خان ارقه سي موقعنده ايكي اولك بوستان و بوغاز  
اغزي موقعنده قرق ايكي نومرولي يكي بچق  
اولك كذلك بوستان و باغلي يولي موقعنده اون  
ايكي نومرولي يدي دونم چار و اون درت نومرولي  
بر دونم ايكي اولك خراب باغ و كمال بك موقعنده  
اون ايكي نومرولي اون ايكي دونم ترلا و اون  
طقوز نومرولي يدي دونم اوج اولك اغ و او توز  
درت نومرولي درت دونم ترلا و قاشق موقعنده  
درت نومرولي اوج دونم ترلا و دكر ملك بايرنده  
طقوز نومرولي يدي دونم بر بچق اولك ترلا  
و باغلي بولنده اون بش نومرولي ايكي دونم ترلا  
و بوستانلقدده اون بش نومرولي ايكي بوستانندن  
نصف حصه شايعه لريله كفيل اسماعيل افنديك  
متصرف اولديغي خيري چفتلكي مسقطاتك  
نصفي و سكر نومرولي خانه عرصه سي واللي ايكي  
نومرولي انبار و صوتراز و سنده خراب باغ و او توز  
التي نومرولي چايرك تكميلي محجوزاً فروخت  
ايديله جكنندن ظهور ايديه جك طالبليك اشبو اعلان  
تاريخندن اعتباراً اون بشكون صكره بيوك چكجه  
اجرا مأمورلغنه مراجعت ايتلري اعلان اولنور  
في ٢ مايس سنه ٣٠٣